

Also sprach Tob der gute man
Daz sülle wir alles varn lan
Man got der vns gegeben hat
Der geit vns an dy selben stat
Vieh vnd ros / swenne er wil
Man er hat gemaltes vil
Oder laidig Sathan
Sach an disem güten man
Daz er nicht wolde schanden
Von got ich muz dir laiden
Demer vil liebe chint
Seit mich nicht vieh ros noch rint
Frunt an disem güten man
So müzzen di chint den tot han
Vnd auch uerliesen den leib
Ich lazz nicht lebendes danne sem weib
Zehant auch das von im geschach
Tob geschach den vngemach
Do sprach er ^{herr} von himelreich
Nu enman ich mindert dein geleich
Du geb mir weib vnd chint
Ros vieh vnd rint
Daz hastu in deinem gewalt genomē
Von demen genaden wil ich nicht chomē
Wan wer dem genade süchuet
Vnd demer genaden rüchet
Dem geit dy gothant sinen er wil
Eren vnd genaden vil
Do der laidig Sathan
Gesach an disem güten man
Daz er an got wolde dengen
Vnd nach seinen hulden ringen
Da must der gut man han verlorn
Mein wanz vnd chorn
Dannoch wolt der gut man
Der gothant nicht abe gestan
Do daz ersach her Sathan
Do gie er zu dem güten man
Er sprach wildu dich an mich
Lazzen ich wil eren dich

Vnd wil dir dannoch wid lan
Allez daz ich dir genomen han
Ich wil auch sein vil gereht
Viech roz vnd chnecht
Wil ich dir wider geminnen
Ich wil mit meimen sinnen
Dir helfen schöner chindelein
Wildu mir vndtenig sein
O sprach der gut man
Allez daz ich gesehen han
Daz nām ich dar umbe nicht
Dem hilfe sint mir gar enwicht
Der teufel da daz zorn sprach
So mustu leiden vngemach
Von mir grozzer nöten vil
Tob sprach daz ist ab got wil
Zehant schuf der Sathan
Daz Tob laides vil geman
Er wart so arm daz ist war
Daz er seinen leib gar
Nicht gedecken mächt mit seiner mat
Ergie an ein fromide stat
Er vant ein stiegen dy was hoch
Einen mist er dar vnd zoch
Vnd leit sich dar in an der zeit
Azze grozze michel vnd weit
Het er an seinem leibe genug
Vil platern er an im trüg
Alhie hgt Tob d'gut in d' misse
A in seinem leib chruchen vber al
Naden vil ane zal
Der hunger tet im grozz not
Daz im vil nahen was der tot
Er laid ez gedultichleichen
Vnd ruffet an got den reichen
Er sprach vil lieber süezer got
Seint ich von demem gapot
Han gehabt an dir zil
Gütes vnd genaden vil
Vmb we soilt ich den willen dein